

United Nations
Nations UniesInternational Criminal Tribunal
for the former Yugoslavia
Tribunal Pénal International
pour l'ex-Yougoslavie

(IT-04-74)

PRLIĆ i drugi**Tužlac protiv Jadranka Prlića, Brune Stojića,
Slobodana Praljka, Milivoja Petkovića, Valentina Ćorića
i Berislava Pušića****JADRANKO PRLIĆ**

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Funkcioner na najvišem političkom položaju u Herceg-Bosni, ratnom entitetu bosanskih Hrvata; bivši predsjednik "Hrvatske Zajednice Herceg-Bosne (HZ H-B)" i predsjednik Vlade "Hrvatske Republike Herceg-Bosne (HR H-B)".

BRUNO STOJIĆ

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Kao načelnik Odjela obrane "Hrvatskog vijeća obrane" (HVO), Stojić je bio najviši politički i rukovodni funkcioner tog organa i bio je zadužen za oružane snage Herceg-Bosne/HVO.

SLOBODAN PRALJAK

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Visoki časnik Hrvatske vojske, pomoćnik ministra obrane i viši predstavnik Ministarstva obrane Hrvatske pri vladi i oružanim snagama Herceg-Bosne/HVO-u; zvan "Brada".

MILIVOJ PETKOVIĆ

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Vojni zapovjednik oružanih snaga Herceg-Bosne/HVO-a, na funkciji "načelnika Glavnog stožera HVO-a"; od kraja jula 1993., zamjenik vrhovnog zapovjednika oružanih snaga Herceg-Bosne/HVO-a.

VALENTIN ĆORIĆ

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Zamjenik zapovjednika za sigurnost i zapovjednik vojne policije HVO-a; kasnije je taj položaj nazvan "načelnik Uprave vojne policije" (u okviru Odjela, kasnije Ministarstva, obrane HVO-a); u novembru 1993., imenovan za ministra unutarnjih poslova HR H-B.

BERISLAV PUŠIĆ

Optužen za progone na političkoj, rasnoj ili vjerskoj osnovi; ubistvo; silovanje; deportacije; zatočavanje; nečovječna djela; hotimično lišavanje života; protivpravne deportacije, premještanje i zatvaranje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je protivpravno i bezobzirno; okrutno postupanje; protivpravni rad; bezobzirno razaranje gradova, naselja ili sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile i terorisanje civila



Bio je na zapovjednom položaju u vojnoj policiji i oficir za vezu HVO-a s UNPROFOR-om; načelnik Službe za razmjenu zarobljenika i drugih osoba; predsjednik komisije kojoj je povjerena uprava nad svim zatvorima i objektima za zatočavanje u Herceg-Bosni/HVO-u u kojima su držani ratni zarobljenici i zatočenici; član Komisije HVO-a za razmjenu zarobljenika; zvan "Berto" ili "Berko".

Zločini za koje su optuženi:

Hotimično lišavanje života; nečovječno postupanje (seksualno zlostavljanje); protivpravna deportacija, premještanje i zatočenje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je na protivpravan i bezobziran način (teška kršenja Ženevskih konvencija)

Okrutno postupanje; protivpravni fizički rad; bezobzirno uništavanje gradova, naselja i sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile; protivpravno terorisanje civila (kršenja zakona i običaja ratovanja)

Progoni na političkoj, rasnoj i vjerskoj osnovi; ubistvo; silovanje; deportacija; zatvaranje; nečovječna djela (zločini protiv čovječnosti)

Jadranko Prlić, Bruno Stojić, Slobodan Praljak, Milivoj Petković, Valentin Ćorić i Berislav Pušić, zajedno s drugim čelnicima i pripadnicima organa vlasti i snaga Herceg-Bosne/HVO-a, vršili su:

- **Podsticanje i raspirivanje političkog, etničkog ili vjerskog razdora, podjele i mržnje:** govorima, propagandom i lažnim informacijama organi vlasti Herceg-Bosne/HVO-a stvorili su, podsticali i podržavali atmosferu nabijenu antimuslimanskim sentimentom, zalagali se za nacionalne podjele i jačali nepovjerenje na vjerskoj osnovi.
- **Primjena sile, zastrašivanja i terora:** organi vlasti, te vojne i policijske jedinice Herceg-Bosne/HVO-a primjenjivali su silu i prijetnju silom kako bi ugnjetavali i progonili bosanske Muslimane i dominirali nad njima. Tokom masovnih hapšenja i deložacija, bosanski Muslimani su ubijani, teško ranjavani, seksualno zlostavljani, pljačkani i zlostavljan na druge načine. Od Muslimana su često oduzimate lične isprave i slični dokumenti, čime su bili izloženi raznim rizicima i ograničena im je sloboda kretanja. Napadi na muslimanske gradove, sela i područja, te opsada istočnog Mostara, bili su praćeni redovnim i rasprostranjenim granatiranjem i snajperskim djelovanjem usmjerenim protiv muslimanskih civila.
- **Oduzimanje i uništavanje imovine:** organi vlasti i vojnici Herceg-Bosne/HVO-a prisiljavali su bosanske Muslimane da napuste svoje domove ili da vlasništvo nad njima prenesu na HVO. Novac, automobili i lična imovina često su oduzimali ili pljačkani. Muslimanski stambeni i drugi objekti, uključujući javne objekte i službe, oduzimali su, uništavali ili im je nanošena ozbiljna šteta, a isto se događalo i sa muslimanskim objektima, lokacijama i ustanovama namijenjenim religiji ili obrazovanju, uključujući džamije. Veliki dio takvog uništavanja imao je za cilj da osigura da se Muslimani ne mogu ili neće vratiti svojim domovima i zajednicama. Organi vlasti Herceg-Bosne/HVO-a oduzimali su javnu imovinu Republike Bosne i Hercegovine. Zaplijenjeni ili napušteni stanovi i domovi Muslimana često su davani ili dodjeljivani pripadnicima HVO-a ili hrvatskim izbjeglicama.
- **Zatočenje i zatvaranje:** optuženi i drugi učesnici udruženog zločinačkog poduhvata, zajedno s raznim pripadnicima organa vlasti i snaga Herceg-Bosne/HVO-a, stvorili su, podržavali i vodili sistem zlostavljanja koji je obuhvatao mrežu zatvora, koncentracionih logora i drugih objekata za zatočenje (uključujući, između ostalog, logor Heliodrom, zatvor u Ljubuškom, zatvor u Dretelju, zatvor u Gabeli i logor Vojno) kako bi uhapsili, zatočili i zatvorili hiljade bosanskih Muslimana, uključujući žene, djecu i starce. Mnogi zatočeni i zatvoreni Muslimani držani su u užasnim uslovima, uskraćeni za osnovne ljudske potrebe, kao što su odgovarajuća ishrana, voda i zdravstvena njega. Mnogi su bili izloženi nečovječnom postupanju i fizičkom i psihičkom zlostavljanju, uključujući premlaćivanje i seksualno zlostavljanje.
- **Prisilno premještanje i deportacija:** optuženi i drugi učesnici udruženog zločinačkog poduhvata, zajedno s raznim pripadnicima organa vlasti i snaga Herceg-Bosne/HVO-a, stvorili su, podržavali i vodili sistem zlostavljanja kako bi deportovali bosanske Muslimane u druge zemlje ili ih premjestili u dijelove Bosne i Hercegovine na koje Herceg-Bosna nije polagala pravo ili ih kontrolisala. Mnogi premješteni ili deportovani Muslimani bili su prvo zatvoreni ili zatočeni, kao što je opisano ranije u tekstu, te su "pušteni" samo zato da bi bili premješteni ili deportovani. Veliki broj osoba koje su na takav način premještene ili deportovane bio je primoran da vlasništvo nad svojim nekretninama prenese na HVO ili da jednostavno napusti svoje nekretnine i ostavi imovinu.
- **Prisilni rad:** Mnogi bosanski Muslimani koje je zatočio HVO bili su prisiljeni na fizički rad, kao što je izgradnja vojnih utvrda, kopanje rovova, nošenje municije i prikupljanje tijela, često u opasnim uslovima

ili uslovima borbe, pri čemu je mnogo zatočenika bosanskih Muslimana poginulo ili teško ranjeno. Neki su korišteni kao živi štitovi ili zato da na sebe privuku paljbu s neprijateljskih položaja kako bi se ti položaji locirali. Jedinice i vojnici HVO-a koristili su muslimanke zatočenike za pljačkanje muslimanskih kuća i imovine.

JADRANKO PRLIĆ	
Datum rođenja	10. juna 1959. u Đakovu, Hrvatska
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

BRUNO STOJIĆ	
Datum rođenja	8. aprila 1955. u selu Hamzići, opština Čitluk, Bosna i Hercegovina
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

SLOBODAN PRALJAK	
Datum rođenja	2. januara 1945. u Čapljini, Bosna i Hercegovina
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

MILIVOJ PETKOVIĆ	
Datum rođenja	11. oktobra 1949. u Šibeniku, Hrvatska
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

VALENTIN ĆORIĆ	
Datum rođenja	23. juna 1956. u selu Paoča, opština Čitluk, Bosna i Hercegovina
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

BERISLAV PUŠIĆ	
Datum rođenja	8. juna 1952. u Mostaru, Bosna i Hercegovina
Optužnica	Prvobitna: 4. marta 2004., objelodanjena 2. aprila 2004.; izmijenjena: 16. novembra 2005., druga izmijenjena optužnica: 11. jun 2008.
Datum predaje	5. aprila 2004.
Prebačen na MKSJ	5. aprila 2004.
Prvo stupanje pred Sud	6. aprila 2004., izjasnio se po svim tačkama da nije kriv

STATISTIČKI PODACI

Broj sudskih dana	465
Broj svjedoka Tužilaštva	145
Broj dokaznih predmeta Tužilaštva	4914
Broj svjedoka odbrane	Prlić: 19 Stojić: 19 Praljak: 11 Petković: 11 Ćorić: 5 Pušić: 0
Broj dokaznih predmeta odbrane	Prlić: 1619 Stojić: 1032 Praljak: 1047 Petković: 764 Ćorić: 422 Pušić: 63
Broj dokaznih predmeta Sudskog vijeća	15

SUĐENJE	
Početak suđenja	26. aprila 2006.
Završne riječi	7. februar - 2. mart 2011.
Pretresno vijeće II	sudija Jean-Claude Antonetti (predsjedavajući), sudija Árpád Prandler, sudija Stephan Trechsel, sudija Antoine Kesia-Mbe Mindua (rezervni sudija <i>ad litem</i>)
Tužilaštvo	Kenneth Scott, Douglas Stringer
Advokati odbrane	Za Jadranka Prlića: Michael G. Karnavas, Suzana Tomanović Za Brunu Stojića: Senka Nožica, Karim A.A. Khan Za Slobodana Praljka: Nika Pinter, Nataša Fauveau-Ivanović Za Milivoja Petkovića: Vesna Alaburić, Zoran Ivanišević Za Valentina Ćorića: Dijana Tomašegović-Tomić, Dražen Plavec Za Berislava Pušića: Fahrudin Ibrišimović, Roger Sahota

POVEZANI PREDMETI <i>po geografskom području</i>	
NEMA POVEZANIH PREDMETA	

OPTUŽNICA I OPTUŽBE

Prvobitna optužnica protiv Jadranka Prlića, Brune Stojića, Slobodana Praljka, Milivoja Petkovića, Valentina Ćorića i Berislava Pušića potvrđena je 4. marta 2004., a objelodanjena 2. aprila 2004.

Dana 16. novembra 2005., Tužilaštvo je podnijelo izmijenjenu optužnicu u kojoj je razjasnilo već ranije navedene optužbe protiv optuženih.

Dana 22. maja 2008., Tužilaštvo je naloženo da izmijeni optužnicu kako bi dodatno pojasnilo određene navode. Druga izmijenjena optužnica je podnesena 11. juna 2008. i postala je važeća optužnica.

Prema optužnici, Hrvatska zajednica Herceg-Bosna proglasila je 18. novembra 1991. svoje postojanje kao političke i teritorijalne cjeline na teritoriji Bosne i Hercegovine. U augustu 1993., Hrvatska zajednica Herceg-Bosna proglasila se "Hrvatskom Republikom Herceg-Bosnom" (Herceg-Bosna). Mate Boban je bio predsjednik Herceg-Bosne od njenog začetka do otprilike februara 1994. Akcijama koje su poduzeli 8.

aprila 1992. i 15. maja 1992., razni čelnici Herceg-Bosne, uključujući Matu Bobana, osnovali su "Hrvatsko vijeće obrane" (HVO) kao vladu i oružane snage Herceg-Bosne, opisujući HVO kao vrhovno izvršno, upravno i obrambeno tijelo Herceg-Bosne.

U optužnici se navodi da je više osoba pokrenulo i učestvovalo u udruženom zločinačkom poduhvatu političkog i vojnog podjarmljivanja, trajnog uklanjanja i etničkog čišćenja bosanskih Muslimana i drugih nehrvata koji su živjeli na onim dijelovima teritorije Republike Bosne i Hercegovine za koje se tvrdilo da pripadaju Hrvatskoj Zajednici (a kasnije Republici) Herceg-Bosni, te pripajanja tih teritorija kao dijela "Velike Hrvatske".

Dalje se navodi da je u tom udruženom zločinačkom poduhvatu učestvovalo više osoba, a među njima su bili Franjo Tuđman, tadašnji predsjednik Republike Hrvatske; Gojko Šušak, tadašnji ministar obrane Republike Hrvatske; Janko Bobetko, bivši visoki general u Vojsci Republike Hrvatske; i Mate Boban, kao i šest osoba koje su optužene ovom optužnicom.

U optužnici se navodi da su, u sklopu i tokom akcija opisanih u optužnici, uključujući etničko čišćenje na rasprostranjenj i sistematskoj osnovi, i u provođenju udruženog zločinačkog poduhvata, Prlić, Petković, Stojić, Praljak, Ćorić i Pušić, zajedno s drugim čelnicima i pripadnicima vlasti i snaga Herceg-Bosne/HVO-a, vršili sljedeće: podsticali su i raspirivali politički, etnički ili vjerski razdor, podjelu i mržnju, primjenjivali silu, zastrašivanje i teror, oduzimali i uništavali imovinu, zatvarali, prisilno premještali i deportirali, te tjerali na prisilni rad.

U optužnici se navodi da su Herceg-Bosna/HVO provodili kampanju napada i etničkog čišćenja u opštinama Prozor, Gornji Vakuf, Jablanica, Mostar, Ljubuški, Stolac, Čapljina i Vareš. Ta kampanja uključuje zločine koji su, kako je navedeno, počinjeni u selima Sovići i Doljani, logorima Heliodrom i Vojno i okružnim vojnim zatvorima Dretelj i Gabela.

U optužnici se navodi da je Prlić upravljao radom i bio odgovoran za vladu HVO-a, uključujući i vojne poslove. Potpisivao je odluke i uredbe koje su činile zvaničnu politiku HVO-a. Prema optužnici, Prlić je bio ovlašten da postavlja i smjenjuje ljude na bitnim položajima u organima civilnih i vojnih vlasti, te u pravosudnim organima Herceg-Bosne i HVO-a. Posjedovao je i ovlaštenja da zatvori zatvore i koncentracione logore Herceg-Bosne/HVO-a.

U optužnici se navodi da je Stojić bio ovlašten da imenuje i razrješava dužnosti vojne zapovjednike HVO-a sve do nivoa komandanta brigade. Mogao je da izdaje organizaciona, strateška i borbena naređenja, što je i činio. Sprovodio je vlast i efektivnu kontrolu nad zatvorima i objektima HVO-a za zatočavanje, u potpunosti ili djelimično, putem vojne policije HVO-a i načelnika te policije Valentina Ćorića.

U optužnici se navodi da je Praljak je bio odgovoran za rukovođenje, organizaciju, planiranje, pripremu, obuku, disciplinu, snabdijevanje, razmjestaj i operacije oružanih snaga Herceg-Bosne/HVO-a. Također je imao komandna ovlaštenja i nad civilnom policijom Herceg-Bosne/HVO-a kada je ona djelovala u sastavu ili u koordinaciji s oružanim snagama Herceg-Bosne/HVO-a tokom oružanog sukoba. Aktivno je učestvovao u svim aspektima vojnog planiranja i operacija Herceg-Bosne/HVO-a.

U optužnici se navodi da je Petković bio odgovoran za rukovođenje, organizaciju, planiranje, pripremu, obuku, disciplinu, snabdijevanje, razmjestaj i operacije oružanih snaga Herceg-Bosne/HVO-a. Izdavao je organizaciona, strateška i borbena naređenja. Imao je i komandna ovlaštenja nad civilnom policijom Herceg-Bosne/HVO-a kada je ona djelovala u sastavu ili u koordinaciji s oružanim snagama Herceg-Bosne/HVO-a tokom oružanog sukoba. Aktivno je učestvovao u svim aspektima vojnog planiranja i operacija Herceg-Bosne/HVO-a.

U optužnici se navodi da je Ćorić *de jure* i/ili *de facto* rukovodio i komandovao vojnom policijom HVO-a, koja je redovno igrala važne uloge u upravljanju zatvorima i objektima za zatočavanje Herceg-Bosne/HVO-a (uključujući i puštanje na slobodu i premještanje zarobljenika i zatočenika) i u borbenim operacijama i operacijama etničkog čišćenja. Ćorić je vršio efektivnu kontrolu i bitan uticaj na vojnu policiju HVO-a i bio je nadležan i dužan da komanduje i sprovodi disciplinske mjere nad pripadnicima vojne policije HVO-a. Jedna od dužnosti vojne policije, kojom je Ćorić komandovao, bila je da sprovodi istragu po navodima o zločinima počinjenim od strane oružanih snaga Herceg-Bosne/HVO-a.

U optužnici se navodi da je Pušić bio utjecajan, visoki funkcioner u sistemu Herceg-Bosne/HVO-a vezanom za zatočavanje, iskorištavanje, puštanje, razmjenu, premještanje i deportaciju bosanskih Muslimana. Na osnovu *de jure* i/ili *de facto* ovlaštenja koja su mu data, vršio je efektivnu kontrolu i bitan uticaj na razne

komponente i kadrove tog sistema. Bio je odgovoran i za to da se klasifikacija i obrada zatočenih bosanskih Muslimana vrši u skladu sa Ženevskim konvencijama i međunarodnim humanitarnim pravom. Tvrdi se da je izdavao naređenja i rješenja, potpisivao opunomoćenja i izdavao upute za postupanje sa zatočenim bosanskim Muslimanima, i tim dokumentima je regulisan nastavak njihovog zatočenja i/ili njihovo premještanje ili deportacija na druga područja ili u druge zemlje.

U optužnici se optuženi terete na osnovu individualne krivične odgovornosti (član 7(1) Statuta) i na osnovu krivične odgovornosti nadređenog (član 7(3) Statuta) za sljedeće:

- Hotimično lišavanje života; nečovječno postupanje (seksualno zlostavljanje); protivpravna deportacija, premještanje i zatočenje civila; nečovječno postupanje; uništavanje imovine širokih razmjera i oduzimanje imovine koje nije opravdano vojnom nuždom a izvedeno je na protivpravan i bezobziran način (teška kršenja Ženevskih konvencija, član 2),
- Okrutno postupanje; protivpravni fizički rad; bezobzirno uništavanje gradova, naselja i sela, ili pustošenje koje nije opravdano vojnom nuždom; uništavanje ili hotimično nanošenje štete ustanovama namijenjenim religiji ili obrazovanju; pljačkanje javne ili privatne imovine; protivpravni napad na civile; protivpravno terorisanje civila (kršenja zakona i običaja ratovanja, član 3),
- Progoni na političkoj, rasnoj i vjerskoj osnovi; ubistvo; silovanje; deportacija; zatvaranje; nečovječna djela (zločini protiv čovječnosti, član 5).

PRETPRETRESNI POSTUPAK

Dana 8. septembra 2004., Jadranku Prliću, Milivoju Petkoviću, Bruni Stojiću, Slobodanu Praljku, Valentinu Ćoriću i Berislavu Pušiću odobreno je privremeno puštanje na slobodu. Svi optuženi su se vratili u Pritvorsku jedinicu 24. aprila 2006.

SUĐENJE

Suđenje Jadranku Prliću, Bruni Stojiću, Slobodanu Praljku, Milivoju Petkoviću, Valentinu Ćoriću i Berislavu Pušiću počelo je 26. aprila 2006.

Optužba je završila s izvođenjem svojih dokaza 24. januara 2008.

Izvođenje dokaza odbrane počelo je 5. maja 2008., a završilo 17. maja 2010.

Završne riječi iznesene su od 7. februara do 2. marta 2011.

ODLUKA U SKLADU S PRAVILOM 98bis

Po završetku izvođenja dokaza optužbe, pretresno vijeće može odlučiti da li postoji osnova za osudu. Ako vijeće smatra da optužba nije izvela dovoljne dokaze za određenu optužbu ili optužbe, vijeće te optužbe može odbaciti i donijeti oslobađajuću presudu po tim optužbama prije početka izvođenja dokaza odbrane.

Dana 20. februara 2008., Pretresno vijeće u predmetu *Prlić i drugi* izdalo je usmenu odluku u skladu s pravilom 98bis i odbacilo zahtjeve za oslobađajuću presudu koje su podnijele odbrane Valentina Ćorića i Berislava Pušića.